



Broj: 05-50-1-1691/16
Sarajevo, 29.6.2016. godine

BOŠNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO. 20.06.2016 | | | |
| Organizaciona jedinica | Klasifikaciona oznaka | Redni broj | Broj priloga |
| 01- | 50-1- | 15-30/ | 16 |

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 62. sjednici održanoj 29.6.2016. godine, utvrdilo je Odgovor na zastupničko pitanje koje je postavio Senad Šepić, zastupnik u Zastupničkom domu Parlamentarne skupštine Bosne i Hercegovine.

U privitku proslijeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**
Zvonimir Kutleša



Bosnia and Herzegovina
COUNCIL OF MINISTERS

Broj: 05-50-1-1691/16
Sarajevo, 29.6.2016. godine

Senad Šepić, zastupnik u Zastupničkom domu Parlamentarne skupštine Bosne i Hercegovine je dana 24.5.2016. godine, u skladu sa čl. 166. i 170. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15), postavio sljedeće zastupničko pitanje:

„Šta Vijeće ministara BiH konkretno radi u pravcu osiguranja okvira i principa za primjenu propisa o plaćanju po učinku u institucijama BiH?“

Na postavljeno zastupničko pitanje, Vijeće ministara Bosne i Hercegovine, u smislu članka 37. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), na 62. sjednici održanoj 29. 06. 2016. godine utvrdilo je sljedeći

ODGOVOR

Plate i naknade zaposlenih u institucijama BiH regulirane su:

1. Zakonom o platama i naknadama u institucijama BiH („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15 i 16/16),
2. Zakonom o platama i drugim naknadama u sudskim i tužilačkim institucijama na nivou BiH („Službeni glasnik BiH“, broj 90/05) i
3. Zakonom o radu u institucijama BiH („Službeni glasnik BiH“, br. 26/04, 7/05, 48/05, 60/10 i 32/13).

Odredbama navedenih akata nije predviđen obračun plate zaposlenim u institucijama BiH u zavisnosi od rezultata rada (učinka).

S tim u vezi važno je naglasiti da je Vijeće ministara BiH, na 16. sjednici održanoj 23.7.2015. godine, usvojilo usaglašeni tekst Reformske agende za BiH za razdoblje 2015.-2018. godine, kojom je predviđeno sprovođenje aktivnosti u sljedećim oblastima:

- 1) Javne finansije, oporezivanje i fiskalna održivost;
- 2) Poslovna klima i konkurentnost;
- 3) Tržište rada;
- 4) Reforma socijalne zaštite i penzija;
- 5) Vladavina prava i dobro upravljanje;
- 6) Reforma javne uprave.

U oblasti reforme javne uprave, između ostalog, predviđena je aktivnost Vijeća ministara BiH, entitetskih vlada, vlada kantona i Brčko distrikta BiH na ograničenju zapošljavanja u javnoj

upravi. Navedene aktivnosti će se realizovati sve dok revidirani kadrovski sistemi ne budu doneseni i provedeni (uključujući i korištenje norme). U tom smislu, predmetnom agendom je predviđeno da će do donošenja revidiranog sistema određivanja plata na osnovu vrijednosti ukupan fond plata u javnom sektoru biti zamrznut.

Sprovođenje aktivnosti predviđenih Reformskom agendom je u toku.